

全上古三代秦汉
三国六朝文

晋

第五函
第十册

全晉文卷一百十一

烏程嚴可均校輯

陶侃

侃字士行鄱陽人徙居廬陵之尋陽爲縣吏郡召爲督郵領樅陽令遷主簿元康中察孝廉除郎中補武昌令棄官歸爲郡小中正太安中爲南蠻長史封東鄉侯光熙初遷江夏太守加鷹揚將軍又加督護母憂去職永嘉中東海王越召爲參軍元帝鎮江左加奮威將軍遷龍驤將軍武昌太守王敦表爲使持節寧遠將軍南蠻校尉荊州刺史左轉廣州刺史平越中郎將封柴桑侯大興初進號平南將軍加都督交州軍事領交州刺史進號征南大將軍王敦平遷都督荆雍益梁州諸軍事領護南蠻校尉荊州刺史蘇峻平拜侍中太尉改封長沙郡公加都督交廣寧七州軍事又加都督江州領刺史襄陽平拜大將軍咸

和七年卒年七十六贈大司馬諡曰桓有集二卷

相風賦

乃有相風之爲形也終日九征桀然特立不邪不傾擬雲閣曰秀
出嵒峻嶺于層城直南端曰基址雙崇魏之嶢嶢象建木于都廣
邈不羣而獨榮朴雖小而不巨何物鮮而功大眇翩翩曰高翔象
離鷗于雲際擢孤莖而特挺若芙蓉于水裔若乃華蓋警乘奉引
先驅豹飾在後葳蕤清路百僚允則彰我皇度

藝文類聚
六十八

表

伏承大官府器損失謹奉獻狼炙刀槃二具

御覽三百
四十六

伏惟武庫傾蕩徇衛有失關輒選其差可者奉獻金鈴大戟五十

張

御覽三百
五十二

上溫嶠遺書請停移葬表

故大將軍嶠忠誠著于聖世勲義感于人神非臣筆墨所能稱陳

臨卒之際與臣書別臣藏之篋笥時時省視每一思述未嘗不中
夜撫膺臨飯酸噎人之云亡嶠實當之謹寫嶠書上呈伏惟陛下
既垂御省傷其情旨死不忘忠身沒黃泉追恨國恥獎臣戮力救
濟艱難使亡而有知抱恨結草豈樂今日勞費之事願陛下慈恩
停其移葬使嶠棺柩無風波之危靈魂安于后土

晉書溫
嶠傳

讓拜大將軍表

臣非貪榮于疇昔而虛讓于今日事有合于時宜臣豈敢與陛下
有違理有益于聖世臣豈與朝廷作異臣常欲除諸浮長之事遣
虛假之用非獨臣身而已若臣仗國威靈梟雄斬勒則又何已加

晉書陶
侃傳

上表遜位

臣少長孤寒始願有限過蒙聖朝歷世殊恩陛下睿鑒寵靈彌泰
有始必終自古而然臣年垂八十位極人臣啟手啟足當復何恨

但呂陛下春秋尚富餘寇不誅山陵未反所呂憤慨兼懷不能已
已臣雖不知命年時已邁國恩殊特賜封長沙隕越之日當歸骨
國土臣父母舊葬今在尋陽緣存處亡無心分違已勒國臣脩遷
改之事刻已來秋奉迎窀穸葬事訖乃告老下藩不圖所患遂爾縣
篤伏枕感結情不自勝臣閒者猶謂犬馬之齒尚可小延欲爲陛
下西平李雄北吞石季龍是已遣母丘奧于巴東授桓宣于襄陽
良圖未敘于此長乖此方之任內外之要願陛下速選臣代使必
得良才奉宣王猷遵成臣志則臣死之日猶生之年陛下雖聖姿
天縱英竒日新方事之殷當賴羣僞司徒導鑒識經遠光輔三世
司空鑒簡素貞正內外惟允平西將軍亮雅量詳明器用周時卽
陛下之周召也獻替疇諮敷融政道地平天成四海幸賴謹遣左
長史殷羨奉送所假節麾幢曲蓋侍中貂蟬太尉章荆江州刺史
印傳榮戟仰戀天恩悲酸感結已後事付右司馬王愆期加督護

統領文武

晉書陶侃傳

上成帝雜物疏

螺杯一枚

御覽七百五十
九引陶侃故事

水晶盤一枚

御覽七百六十
引陶侃故事

遺荀崧書

杜曾凶狡所將之卒皆豺狼也可謂鴟梟食母之物此人不死州

土未寧足下當識吾言

晉書杜曾傳

荅溫嶠書

奉所送帳下得蘇峻兇鏐作之巧劫用功殊多戰器不事須此也

意謂不如三甲者逆賊身所服此是凶器古人惡其名得此兇鏐

者猶已有功令賞其細葛一端

御覽三百
五十六

荅慕容廆書

當今揚淮銳勇飛廉超驥收屈盧必陷之矛集鯁犀不入之盾

御覽

三百五十七

報封抽韓矯等書

車騎將軍憂國忘身貢篚載路羯賊求和執使送之西討段國北伐塞外遠綏索頭荒服獻款惟北部未賓屢遣征伐又知東方官號高下齊班進無統攝之權退無等差之降欲進車騎爲燕王一二具之夫功成進爵古之成制也車騎雖未能爲國

晉書作官

摧勒然

忠義竭誠見于辭表今騰箋上聽可否遲速當在天臺也

晉書載紀慕容

廐傳又十六國春秋二十三

與王導書

郭默殺方州卽用爲方州害宰相便爲宰相乎

晉書陶侃傳時郭默矯詔襲殺平南

將軍劉胤輒領江州侃討默與導書

陶潛

潛字元亮一名淵明或云字淵明侃曾孫爲州祭酒自解歸後

大三百三十六
小九十八

爲鎮軍建威參軍補彭澤令義熙三年解印去徵著作郎不就
宋元嘉中卒顏延之諡之曰靖節徵士有集九卷

感士不遇賦

并序

昔董仲舒作士不遇賦司馬子長又爲之余嘗曰三餘之日講習
之暇讀其文慨然惆悵夫履信思順生人之善行抱朴守靜君子
之篤素自眞風告逝大僞斯興閭閻懈廉退之節市朝驅易進之
心懷正志道之士或潛玉于當年潔已清操之人或沒世曰徒勤
故夷晷有安歸之歎三閭發已矣之哀悲夫寓形百年而瞬息已
盡立行之難而一城莫賞此古人所曰染翰慷慨屢伸而不能已
者也夫導達意氣其惟文乎撫卷躊躇遂感而賦之

咨大塊之受氣何斯人之獨靈稟神智曰藏照兼三五而垂名或
擊壤曰自歡或大濟于蒼生靡潛躍之非分常傲然曰稱情世流
浪而遂徂物羣分曰相形密網裁而魚駭宏羅制而鳥驚彼達人

之善覺乃逃祿而歸耕山嶷嶷而懷影川汪汪而藏聲望軒唐而永歎甘貧賤已辭榮渚源汨已長分美惡作已異途原百行之攸貴莫爲善之可娛奉上天之成命師聖人之遺書發忠孝于君親生信義于鄉閭推誠心而獲顯不矯然而祈譽嗟乎雷同毀異物惡其上妙算者謂迷直道者云妄坦至公而無猜卒蒙恥已受謗雖懷瓊而握蘭徒芳潔而誰亮哀哉士之不遇已不在炎帝帝魁之世獨祇脩已自勤豈三省之或廢庶進德已及時時既至而不惠無爰生之晤言念張季之終蔽愍馮叟于郎署賴魏守已納計雖僅然于必知亦苦心而曠歲審夫市之無虎眩三夫之獻說憚賈傅之秀朗紆遠轡于促界悲董相之淵致屢乘危而幸濟感哲人之無偶淚淋浪已灑袂承前王之清誨曰天道之無親澄得一已作鑒恆輔善而佑仁吏投老已長飢回早夭而又貧傷請車已備擲悲茹薇而殞身雖好學與行義何死生之苦辛疑報德之若

茲懼斯言之虛陳何曠世之無才罕無路之不澀伊古人之慷慨
病奇名之不立廣結髮自從政不愧賞于萬邑屈雄志于戚豎音
尺土之莫及畱誠信于身後慟眾人之悲泣商盡規自拯弊言始
順而患入奚良辰之易傾胡害勝其乃急蒼旻遐緬人事無已有
感有昧疇測其理寧固窮自濟意不委曲而累已既軒冕之非榮
豈緼袍之爲恥誠謬會已取拙且欣然而歸止擁孤襟已畢歲謝

良價于朝市

本集

閑情賦

并序

初張衡作定情賦蔡邕作靜情賦檢逸辭而宗澹泊始則蕩已思
慮而終歸閑正將已抑流宕之邪心諒有助于諷諫綴文之士奕
代繼作竝因觸類廣其辭義余園間多暇復染翰爲之雖文妙不
足庶不謬作者之意乎

夫何懷逸之令姿獨曠世已秀羣表傾城之豔色期有德于傳聞

佩鳴玉已比潔齊幽蘭已爭芬淡柔情于俗內負雅志于高雲
悲晨曦之易夕感人生之長勤同一盡于百年何歡寡而愁殷
褰朱幃而正坐汎清瑟已自欣送纖指之餘好攘皓袖之繽紛
瞬美目已流眄含言笑而不分曲調將半景落西軒悲商叩林
白雲依山仰睇天路俯促鳴絃神儀嫵媚舉止詳妍激清音已
感余願接膝已交言欲自往已結誓懼冒禮之爲讐待鳳鳥已
致辭恐他人之我先意惶惑而靡寧魂須臾而九遷願在衣而
爲領承華首之餘芳悲羅襟之宵離怨秋夜之未央願在裳而
爲帶束窈窕之纖身嗟溫涼之異氣或脫故而服新願在髮而
爲澤刷玄鬢于頰肩悲佳人之屢沐從白水已枯煎願在睂而
爲黛隨瞻視已閑揚悲脂粉之尙鮮或取毀于華粧願在莞而
爲席安弱體于三秋悲文茵之代御方經年而見求願在絲而
爲履附素足已周旋悲行止之有節空委棄于牀前願在畫而

爲影常依形而西東悲高樹之多蔭慨有時而不同願在夜而
爲燭照玉容于兩楹悲扶桑之舒光奄滅景而藏明願在竹而
爲扇含淒飆于柔握悲白露之晨零顧襟袖已綿邈願在木而
爲桐作膝上之鳴琴悲樂極已哀來終推我而輟音攷所願而
必違徒契契已苦心擁勞情而罔訴步容與于南林栖木蘭之
遺露翳青松之餘陰儻行行之有覲交欣懼于中慄竟寂寞而
無見獨捐想已空尋斂輕裾已復路瞻夕陽而流歎步徙倚已
忘趣色慘悽而矜顏葉燮燮已去條氣淒淒而就寒日負影已
偕沒月媚景于雲端鳥悽聲已孤歸獸索偶而不還悼當年之
晚暮恨茲歲之欲殫思宵夢已從之神飄飄而不安若憑舟之
失棹譬緣崖而無攀于時畢昴盈軒北風淒淒惘惘不寐眾念
徘徊起攝帶已伺晨繁霜粲于素階雞斂翅而未鳴笛流遠已
清哀始妙密已閑和終寥亮而藏摧意夫人之在茲託行雲以

送懷行雲逝而無語時奄冉而就過徒勤思已自悲終阻山而帶河迎清風已祛累寄弱志于歸波尤蔓草之爲會誦邵南之餘歌坦萬慮已存誠憩遙情于八遐

本集

歸去來兮辭

并序

余家貧耕植不足已自給幼稚盈室餅無儲粟生生所資未見其術親故多勸余爲長吏脫然有懷求之靡途會有四方之事諸侯已惠愛爲德家叔以余貧苦遂見用于小邑于時風波未靜心憚遠役彭澤去家百里公田之利足已爲酒故便求之及少日眷然有歸與之情何則質性自然非矯厲所得飢凍雖切違已交病嘗從人事皆口腹自役于是悵然慷慨深媿平生之志猶望一稔當斂裳宵逝尋程氏妹喪于武昌情在駿奔自免去職仲秋至冬在官八十餘日因事順心命篇曰歸去來兮乙巳歲十一月也

歸去來兮田園將蕪胡不歸旣自己心爲形役奚惆悵而獨悲悟
已往之不諫知來者之可追實迷途其未遠覺今是而昨非舟遙
遙已輕颺風飄飄而吹衣問征夫已前路恨晨光之熹微乃瞻衡
宇載欣載奔僮僕歡迎稚子候門三徑就荒松菊猶存攜幼入室
有酒盈樽引壺觴已自酌眄庭柯已怡顏倚南窗已寄傲審容膝
之易安園日涉已成趣門雖設而常關策扶老已流憩時矯首而
遐觀雲無心而出岫鳥倦飛而知還景翳翳已將入撫孤松而盤
桓歸去來兮請息交已絕遊世與我而相違復駕言今焉求悅親
戚之情話樂琴書已消憂農人告余已春及將有事于西疇或命
巾車或棹孤舟旣窈窕已尋壑亦崎嶇而經丘木欣欣已向榮泉
涓涓而始流善萬物之得時感吾生之行休已矣乎寓形宇內復
幾時曷不委心任去畱胡爲乎遑遑兮欲何之富貴非吾願帝鄉
不可期懷良辰已孤往或植杖而耘耔登東皋已舒嘯臨清流而

賦詩聊乘化已歸盡樂夫天命復奚疑

本集文選晉書陶潛傳宋書陶潛傳

與子儼等書

告儼俟份佚修夫天地賦命有生必有終自古聖賢誰能獨免子
夏言曰死生有命富貴在天四友之人親受音旨發斯談者豈非
窮達不可妄求壽夭永無外請故邪吾年過五十少而窮苦荼毒
每已家弊東西遊走性剛才拙與物多忤自量爲已必貽俗患儻
俛辭世使汝等幼而飢寒耳余嘗感孺仲賢妻之言敗絮自擁何
慚兒子此既一事矣但恨鄰靡二仲室無萊婦抱茲苦心良獨罔
罔少年來好書偶愛閑靜開卷有得更欣然忘食見樹木交蔭時
鳥變聲亦復歡然有喜常言五六月中北窗下臥遇涼風暫至自
謂是羲皇上人意淺識陋謂斯言可保日月遂往機巧好疏緬求
在昔眇然如何疾患已來漸就衰損親舊不遺每已藥石見救自
恐大分將有限也恨汝輩稚小家貧無役柴水之勞何時可免念

之在心若何可言然汝等雖不同生當思四海皆兄弟之義鮑叔
管仲分財無猜歸生伍舉班荆道舊遂能已敗爲成因喪立功他
人尚爾況同父之人哉潁川韓元長漢末名士身處卿佐八十而
終兄弟同居至于沒齒濟北汜稚春汜毓字稚春晉時操行人也七世
同財家人無怨色詩云高山仰止景行行止雖不能爾至心尚之
汝其慎哉吾復何言

本集晉書陶潛傳宋書陶潛傳藝文類聚二十三御覽五百九十三

停雲詩序

停雲思親友也樽湛新醪園列初榮願言不從歎息彌襟

時運詩序

時運游暮春也春服旣成景物斯和偶影獨游欣慨交心

榮木詩序

榮木念將老也日月推遷已復有夏總角聞道白首無成

贈長沙公族祖詩序

全晉文卷一百十一
長沙公于余爲族祖同出大司馬昭穆旣遠已爲路人經過潯陽
臨別贈此

荅龐參軍詩序

龐爲衛軍參軍從江陵使上都過潯陽見贈

彤影神詩序

貴賤賢愚莫不營營曰惜生斯甚惑焉故極陳彤影之苦言神辨
自然曰釋之好事君子共取其心焉

九日閒居詩序

余閒居愛重九之名秋菊盈園而持醪靡由空服九華寄懷于言
遊斜川詩序

辛丑正月五日天氣澄和風物閒美與二三鄰曲同遊斜川臨長
流望曾城魴鯉躍鱗于將夕水鷗乘和曰翻飛彼南阜者名實舊
矣不復乃爲嗟歎若夫曾城倚無依接獨秀中皋遙想靈山有愛